



Broj: 09-02-4-9009/17
Sarajevo, 19.10.2017. godine

BOSNA I HERCEGOVINA
AGENCIJA ZA DRŽAVNU SLUŽBU
Trg Bosne i Hercegovine broj 1
71000 SARAJEVO

BOSNA I HERCEGOVINA
AGENCIJA ZA DRŽAVNU SLUŽBU
SARAJEVO

Ploča	26.10.2017.	Broj priloga
Organizaciona jedinica	03	34-2 918-2 -

PREDMET: Mišljenje, dostavlja se –

Veza: vaš akt broj: 03-34-2-958-1/17 od 11.10.2017. godine

Dana 13.10.2017. godine zaprimili smo vaš akt, broj i datum prednji, kojim od ovog ministarstva tražite mišljenje o članku 7. Zakona o izmjenama i dopunama Zakona o upravi („Službeni glasnik BiH“ broj: 72/17), odnosno o tome da li Agencija za državnu službu Bosne i Hercegovine ima ovlaštenje i dužnost da razriješi dotadašnjeg rukovoditelja i zamjenika rukovoditelja institucije Bosne i Hercegovine u slučaju kada imenuje najuspješnijeg kandidata sukladno članku 28. Zakona o državnoj službi u institucijama Bosne i Hercegovine („Službeni glasnik BiH“, br. br. 12/02, 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10 i 40/12). Slijedom rečenog, dajemo sljedeće

MIŠLJENJE

Člankom 7. Zakona o izmjenama i dopunama Zakona o upravi mijenja se dosadašnji članak 59. Naime, st. (2) i (3) ovog članka propisano je da tijelo mjerodavno za imenovanje rješenjem imenuje rukovoditelja i zamjenika rukovoditelja samostalne upravne organizacije, rukovoditelja i zamjenika rukovoditelja upravne organizacije u sastavu ministarstva i rukovoditelje i zamjenike rukovoditelja drugih institucija Bosne i Hercegovine osnovanih posebnim zakonom ili kojima je posebnim zakonom povjereno obavljanje upravnih poslova. Tijelo mjerodavno za imenovanje navedenih rukovoditelja i zamjenika rukovoditelja, prije imenovanja istih, dužno je donijeti rješenje o razrješenju rukovoditelja i zamjenika rukovoditelja koji su do trenutka imenovanja obnašali tu funkciju, osim ako posebnim zakonom nije drukčije propisano.


Nadalje, člankom 28. st. (2) i (3) Zakona o državnoj službi u institucijama Bosne i Hercegovine propisano je da rukovodeće državne službenike imenuje mjerodavna institucija s liste uspješnih kandidata koji su prošli javni natječaj, po prethodno pribavljenom mišljenju Agencije za državnu službu Bosne i Hercegovine. Ukoliko se predmetno imenovanje ne izvrši u roku od 30 dana od dana prijema mišljenja Agencije za državnu službu Bosne i Hercegovine i liste uspješnih kandidata, ako posebnim propisom nije određen kraći rok, Agencija za državnu službu Bosne i Hercegovine će po službenoj dužnosti imenovati najuspješnijeg kandidata. Rečeno znači da je Agencija za državnu službu Bosne i Hercegovine u spomenutom slučaju tijelo mjerodavno za imenovanje.

Shodno gore navedenom možemo zaključiti da u situacijama kada je Agencija za državnu službu Bosne i Hercegovine tijelo mjerodavno za imenovanje, dužna je donijeti i rješenje o razrješenju rukovodećeg državnog službenika koji je do momenta imenovanja obavljao tu dužnost, osim ako posebnim zakonom nije drugačije propisano.

S poštovanjem,

DOSTAVLJENO:

- Naslovu,
- a/a.



MINISTAR
Josip Grubeša